

Leetal ya éhaaciyenu ya eyya
San naakiice ya
3 San
Waah wa weeyem wa ti leetal
eyye

Aluu pakanam ti káyinan keeyem ka ti káasiitan fo fiye, inci neekicanaa.

Añe leetal ya éhaaciyenu ya eti San. Ayme akiice leetal eyye? Moonool muu nin eekiice ya éyaañ a nin ésupiyenu ya, akina ayem áhampaatiin a, San, anapana ya ati Yéesu.

Ti ayme naakiice leetal eyye? Ti akee áyiin aña nkasok Kayus, áyiin aña ammeya nii, San álafiyoolafi meemak (1). Kayus añuu, naataak káasiinuma keenape ti canku ya, kiti kawatan ekaawoola ya payenka nkakaawool ka káatuunan hilim ha hiti Pútuun pa. San naasokoo nii, acok piliit ti páhin empa naayem pa tempo (5-8).

Leetal eyye, eti weyme? San akiicaakiic leetal eyye apuwatan áyiin aña nkasok Cotulef, áhampaatiin ti canku ya eti Kayus. Cotulef añuu, acoonut kawatan ekaawoola ya payenka nkakaay ka káatuunan hilim ha hiti Pútuun pa, naakit lombo an kati awanani, naayaan ti canku ya payenka ammeya ka nii, kawananaawanan oom ekaawoola. Alehut toko, naayeno lombo kaahancalool kilim kiti kincaam ti kaapii San nin pakakee pupoñapoñ pa. San náayisan nii, nin

akina akaayaa po, afaacoonanool heeyem ha ti pitaako (9-10). Naasok Kayus, áyipenan íhinu heenape, pale heenaput tom (11-12).

Alaapalaka ti káasiitan ka kiti aluu. Alímaati Pútuun pa putowo ti káapankin saan unaa mpúwiiniyan kunuu unaa, kati úyiniyaa kasayan hilim etempo, ti caacaw Añii etempo Yéesu Krista. Amíini.

Kakican ka

^I Añe inci áhampaatiin a. Inci yemuu ti hikiicu áwiyam Kayus, aña inci íllafiye ya ti tooñaa ya.

^{II} Awíyam ti káyinan, inci oopa ti kaluum Pútuun pa aakati taak kásuumaay, waah wa púloon nuutempo ti elon ya etii samat nii fa intempiye fa ti káyinan ka kitii.

^{III} Inci taakaataak pásuuma penfakat ta paka-kee ti kéeyinane ka nkákeyii ta nkakamanam fa ancoke fa tooñaa ya sipees súsupak, niñ fa antowiye fa ti elon teyyo.

^{IV} Eeha nihihañam ha pásuuma meemak hiyem niñ inci síyaa nii epuukam unka ti elon ti tooñaa ya.

Kaamankool pihina Ateeteyo

^V Awíyam ti káyinan, pawenali pinapoolaa- napool niñ an éeyinane kaatuko ayyankananyankan meemak kéeyinane ka, háati fa nkayem fa ekaawoola.

^{VI} Poko himuumii kakamane pálafi pa pitii hátikin canku ya. Káluma yankananii samat nii fa Pútuun pa mpílafiye fa ancuk kati kahankan kaakaawool ka kiteyii.

VII Kaatuko káfuliyooŋful kapikaay káatuunan caacaw ca citi Eenucee ya, peesayut kayankanan ka kééfulii ka ti kéeyinanut ka.

VIII Ooto unaa uñaŋaa kayankanan pakan paka payenke fiye, ancuk utaakaa lombo himpaac ti páhin pa piteyii piti tooña ya.

Káyipenan heenape

IX Inci kiicaakiic faw leetal canku ya etii, pale Cotulef, éelafiye ya piyeno áhampaatiin a, naapook unii.

X Fiye niŋ inci kéyyoo, fakaman eeha naayem ha ti íhinu, niŋ fa naayem fa ti kincaam apunook unii. Eehuu hifomutoo, napookpook kawatan pakan unaa ti káyinan, naakit lombo kéelafiyii ka kawatan naayaanii ti canku ya.

XI Awíyam ti káyinan, timpi yípenan heenaput pale heenape. Eéhine ya heenape, akina ati Pútuun pa. Eéhine ya heenaput ámiit Pútuun pa.

XII An óo an ákupaakup heenape ti Temetilus, háati tooña ya éyisanaayisan nii eenape. Unii lombo núukupkup heenape teyoo, apan nímeyimeyi nii eeha nuusoke ha hiti tooña.

Kakican kikelan

XIII Inci taakaataak hícamp eeha iññaŋuu hisoku, pale láfiit ho hikiicu.

XIV Inhín cíki nii efimaacukoolaa tokofiye, immaayenyaa ímmaakupaa.

XV Kásuumaay kiyeno naawe. Pákawiyi pe kakicanuu. Kican pákawi unaa puu, an óo an ti caacawoo.

Kuloonaay
Karon: Kuloonaay (Portions)

copyright © 2018-2025 Wycliffe Bible Translators, Inc.

Language: Karon

Contributor: SIL International (in Africa)

All rights reserved.

2025-07-11

PDF generated using Haiola and XeLaTeX on 10 Jul 2025 from source files
dated 11 Jul 2025

404e2c05-c6eb-5f56-8cae-50a5b595ef9a